

# Staða lögreglunnar

## I Inngangur

Á samráðsfundi ráðuneytisins með ríkislögreglustjóra, 6. október sl. skýrði ríkislögreglustjóri frá því að hann hefði átt samráðsfundi með lögregluliðum úti á landi. Á þeim fundum hefðu eindregið komið fram að nú um stundir væri lögreglunni ókleift að leysa þau verkefni sem ætlast væri til af henni vegna fjárskorts og manneklu. Ástandið í lögreglunni væri óásættanlegt og brýnt væri að fjölga lögreglumönnum og auka fjárveitingar til lögreglunnar. Að mati ríkislögreglustjóra væri það staðreynd að lögreglan getur ekki sinnt þeim verkefnum sem hún þarf að gera lögum samkvæmt. Þá er lögreglan ófær um að takast á við umfangsmikil verkefni s.s. viðbrögðum við hryðjuverkaógn, aðgerðum gegn skipulagðri glæpastarfsemi og síauknum þunga í landamæravörslu. Gera þurfi þriggja ára framkvæmdáætlun um eflingu lögreglunnar.

Ljóst er að mati ráðuneytisins að brýnt er að huga að grunnþáttum í starfi lögreglunnar þ.e. fjárveitingum og fjölda lögreglumanna. Forgangsatíði er að fjölga almennum lögreglumönnum sem annast útköll og almennt lögreglueftirlit og nauðsynlegum búnaði því tengdu.

Hér á eftir fer samantekt á stöðu lögreglunnar í dag hvað verðar núverandi fjölda lögreglumanna og skiptingu þeirra eftir starfsstigum og starfsaldri, þróun ársverka innan lögreglu, núverandi staða í tækja- og búnaðarmálum lögreglunnar, þjálfunarmálum lögreglumanna, þróun fjárveitinga frá 2008 og rekstrarstöðu embætta. Að síðustu verður vikið að brýnum sértækum verkefnum lögreglu, í fyrsta lagi aðgerðir gegn skipulagðri glæpastarfsemi, í öðru lagi viðbrögð gagnvart stórfelldum ofbeldisverkum og hryðjuverkum og í þriðja lagi aukinn þungi í landamæravörslu vegna stórfelldrar aukningar farþegaumferðar um Flugstöð Leifs Eiríkssonar og komu farþegaskipa til landsins.

## II Fjöldi lögreglumanna

Ársverk lögreglumanna voru 729,9 árið 2007 en þeim hefur fækkað jafnt og þétt og voru 642,7 á árinu 2011. Í heildina hefur ársverkum fækkað um 87,0 frá árinu 2007 til ársins 2011. Starfsmenn sérstaks saksóknara eru ekki teknir hér með. Ársverk dagvinnu eru reiknuð út frá hversu margir þáðu mánaðarlaun/dagvinnulaun í hverjum mánuði, þar með talið vegna afleysinga, veikinda, lausnarlauna, orlofs, þegar viðkomandi hættil störfum og fleira. Með fjölda ársverka er átt við summu þessara verka deilt með 12 mánuðum. Þess skal getið að til viðbótar fækkun ársverka hefur aukavinna lögreglumanna dregist mikið saman.

Á árabílinu 2007 til 2012 hefur fjöldi lögreglumanna dregist saman um 81. Nánari skýring sést á fylgiblaði 1.

Tafla 1. Fjöldi ársverka lögreglumanna í félagi Landssambandi lögreglumanna.

	2011	2010	2009	2008	2007	Breyting
Akranes	9,3	10,9	11,6	11,5	13,4	-4,1
Akureyri	31,7	35,6	39,8	39,8	38,7	-7
Blönduós	6,9	6,8	7,1	7,8	8,0	-1,1
Borgarnes	9,2	9,5	9,2	9,9	9,7	-0,5
Eskifjörður	14,9	14,7	16,9	17,8	15,4	-0,5
Húsavík	8,5	8,4	9,5	9,7	9,7	-1,2
Hvolsvöllur	9,2	9,2	10,1	9,7	8,8	0,4
Höfuðborgarsvæðið	293,3	296,2	302,3	312,4	341,0	-47,7
Lögregluskóli ríkisins	12,1	14,4	25,4	36,4	10,5	1,6
Ríkislögreglustjóri	82,6	83,2	86,8	89,4	93,7	-11,1
Sauðárkrókur	7,6	8,7	9,8	9,6	8,8	-1,2
Selfoss	26,6	28,6	28,4	28,5	27,1	-0,5
Seyðisfjörður	7,5	8,2	9,3	9,9	11,0	-3,5
Snæfellsbær	8,8	8,9	9,9	10,6	10,0	-1,2
Suðurnes	85,9	84,9	85,1	88,4	88,6	-2,7
Vestfirðir	18,6	21,8	23,5	23,6	23,4	-4,8
Vestmannaeyjar	10,0	11,1	11,4	11,4	12,1	-2,1
<b>Samtals</b>	<b>642,7</b>	<b>661,0</b>	<b>696,1</b>	<b>726,4</b>	<b>729,9</b>	<b>-87,0</b>

### III Tækja og búnaðarmál.

Grunnbúnaður lögreglu til þess að takast á við sérstakar lögregluaðgerðir vegna vopnamála, hryðjuverka og annarra stórfelldra ofbeldisglæpa er mjög takmarkaður, búnaður sem til er þarfnast að mestu leyti endurnýjunar og viðbúnaðargetan er óviðunandi varðandi fyrstu viðbrögð og vegna öryggis ríkisins.

Nokkur hluti af varnarbúnaði lögreglu er kominn til ára sinna og er úreldur, má sem dæmi nefna að skotvesti frá 1995 og 2005 eru komin fram yfir líftíma þeirra.

Tafla 2. Búnaður lögreglu

251658240

Embætti	Skot vesti þung frá 1995	Skot vesti frá 2005	Öryggisvesti dagvesti	Óeirðabúningur	Skot skýlingarhjálmar	Skildir	Stórarkyflur	Varnarúðj stórir brúsar	Gasgrímur
LRH	6	23	70	78	60	41	69	19	60
Suðurnes	2	7	45	26	27	30	17	8	30
Akranes	1	4			5	4	4	1	4
Borgarnes	2	4	8	4	7	4	5	3	5
Snæfellsnes	2	2	7		6	3	3	1	3
Vestfirðir	1	2	7		5	5	4	2	4
Blönduós	1	2			2	2	2	2	4
Sauðárkrókur	1	2			3	2	2		3
Akureyri	4	5	30	9	7	9	3	3	30
Húsavík	1	1	7		3	2	2		4
Seyðisfjörður	2	2	6		5	2	2	4	2
Eskifjörður	1	6			9	7	7		4
Vestmannaeyjar	2	2			4	2	2		2
Hvolsvöllur	2	4			6	4	4	3	3
Selfoss	1	4		9	4	5	6	1	4
<b>Samtals</b>	<b>29</b>	<b>70</b>	<b>180</b>	<b>126</b>	<b>153</b>	<b>122</b>	<b>132</b>	<b>47</b>	<b>162</b>

Almennt er skotvopnaeign lögreglunar fyrst og fremst bundin við skammbyssur og einstaka rifil og/eða haglabyssu. Ríkislögreglustjóri hefur sérstöðu hvað varðar vopnaeign en það helgast af sersveit ríkisögreglustjóra.

Tafla 3. Skotvopn lögreglu

251658240

Embætti	Skambyssur	Riflar	Sjálfvirkvopn	Haglabyssur	Önnur vopn	Samtals
RLS	78	30	58	27	9	202
LRH	28			5	8	41
LSR	18	1		3		22
Suðurnes	42		2	5	3	52
Akranes	7			1	1	9
Borgarnes	9			1	2	12
Snæfellsnes	6				3	9
Vestfirðir	10	1		1	3	15
Blönduós	3				2	5
Sauðárkrókur	3					3
Akureyri	19	3		4	4	30
Húsavík	3				2	5
Seyðisfjörður	5				3	8
Eskifjörður	9	1		1	3	14
Vestmannaeyjar	4				1	5
Hvolsvöllur	6				2	8
Selfoss	4	1			4	9
<b>Samtals</b>	<b>254</b>	<b>37</b>	<b>60</b>	<b>48</b>	<b>50</b>	<b>449</b>

Ríkislögreglustjóri gerði áárinu 2006 tillögur um nauðsynlega eflingu búnaðar og þjálfunar. Ástand búnaðar og þjálfunarmála hefur tekið litlum breytingum til batnaðar frá þeim tíma og því er efling þessara þátt orðið brýnna mál en áður.

#### IV Þjálfun

Nám í lögregluskólanum var stýtt úr tveim árum í eitt fyrir nokkrum árum til þess að vinna upp verulegan skort á menntuðum lögreglumönnum. Ein afleiðing þess er að tími til verklegrar þjálfunar stýttist á sama tíma og þörf var á að auka hann verulega. Brýnt er að lengja nám við skólann á ný og stórauka verklega þjálfun.

Lögregluskólinn sinnir viðamiklu framhaldsnámi á mörgum sviðum löggæslunnar en ljóst er að árleg síþjálfun lögreglumanna er lítil sem engin hvað varðar verklega þjálfun á sviði lögregluaðgerða og viðbúnaðar. Ríkislögreglustjóri telur að hver lögreglumaður þurfi að hljóta að lágmarki 60 klst. aðgerðapþjálfun árlega. Meðal annars er að ræða handtöku- og

vopnaþjálfun. Þjálfun í fyrstu aðgerðum, mannfjöldastjórnun, sérhæfðum lögregluaðgerðum og fyrstu hjálp.

Þá hefur ríkislögreglustjóri lagt til að útvalinn hópur lögreglumanna í hverjum landshluta fái meiri þjálfun og búnað til þess að takast á við stórfelld verkefni og ofbeldisglæpi. Er það sérstaklega brýnt úti á landi þar sem lengri tíma tekur fyrir sérsveit ríkislögreglustóra að komast á vettvang. Um er að ræða að 60-80 lögreglumenn sem auk grunnþjálfunar hlytu um 120 klst. síþjálfun árlega.

## VI Verkefnastaða lögreglu

Mannfæð og fjárskortur lögreglu hefur leitt til þess að lögreglan er hætt að sinna fjölmörgum verkefnum og möguleikar á að skipuleggja sérstök átaksverkefni og þjálfun eru nánast engir. Frumkvæðislöggæsla hefur því dregist verulega saman og störf lögreglunnar við að halda uppi allsherjarreglu, gæta almannaöryggis og stemma stigu við afbrotum hefur skerst verulega.

Í tilefni af skýrslugerð þessari var óskað eftir samantekt stjórnar Lögreglustjórafélags Íslands á stöðu lögreglunnar og hvort einhverjum verkefnum lögreglu sé ekki sinnt vegna manneklu. Í samantekt félagsins segir:

Fjárskortur lögreglunnar hefur leitt til fækkunar lögreglumanna víða í lögreglulíðum landsins og hefur það haft mikil áhrif á störf og mátt lögreglunnar í landinu. Vegna fækkunarinnar hefur lögreglan forgangsraðað verkefnum þannig að síður brýn verkefni eru látin sitja á hakanum eða þeim er ekki sinnt.

Fjárskorturinn hefur víða leitt til þess að hvorki er ráðið í stöður, sem losna tímabundið vegna veikinda, né heldur í afleysingar. Aukavinna þeirra lögreglumanna hefur víða verið skert verulega og dregið úr akstri lögreglubifreiða. Þetta hefur leitt til þess að almennir lögreglumenn sinna aðeins brýnustu verkefnum og mál í rannsóknardeildum hlaðast upp og málsmeðferðartími í deildunum lengist verulega

### *Almenn lögregla*

Fækkun lögreglumanna við almenn lögreglustörf hefur dregið verulega úr frumkvæðisvinnu lögreglunnar. Minni frumkvæðisvinna lögreglunnar sést helst í minni eftirlitisstörfum s.s. með umferð, fíkniefnum og vínveitingahúsum og minna öryggiseftirliti í þéttbýli og sumarbústaða-byggðum. Þá er forvarnarvinna lögreglunnar orðin mjög lítil. Dæmi um önnur störf, sem lögreglan hefur dregið úr að sinna – eða sinnir ekki – eru útköll vegna hávaða nágranna, minni háttar þjófnaðarmál eða eignaspjöll.

Í víðlendum lögregluumdæmum hefur minnkandi akstur lögreglubifreiða dregið verulega úr eftirliti og sýnileika lögreglunnar. Sama gildir í öðrum umdæmum þó áhrifin á sýnileika lögreglunnar séu ekki þau sömu. Í víðlendu umdæmi getur brýnt útkalla lögreglu um langan veg þýtt að vegna kostnaðar sem af því hlýst þurfi að draga úr kostnaði sem lögreglan hefur af því s.s. draga úr akstri í önnur verkefni síðar.

Mannekla í almennri löggæslu skapa einnig vandamál þar sem fáir eru á vakt á hverjum tíma. Eitt útkall getur tekið einn eða tvo lögreglumenn alla vaktina og er þá engin til að sinna öðrum útköllum eða verkefnum á meðan. Einnig þar sem ekki er sérstök fangavakt þá getur maður í haldi valdið því að vaktin lokist inn á lögreglustöð og sveigjaleikinn vaktarinnar verður lítill. Vegna niðurskurðar í aukavinnu og færri tiltækum lögreglumönnum er ekki hægt við svona aðstæður að kalla aðra lögreglumenn á aukavakt. Þá eru lögreglumenn á bakvakt ekki sendir í útkall nema í neyðartilvikum.

Önnur dæmi um afleiðingar fjárskortsins eru m.a. að lögreglustöðvum hefur verið lokað víðsvegar um landið og að hundadeild lögreglu höfuðborgarsvæðisins, LRH, hefur verið lögð niður og sólarhringsvakt verið lögð niður s.s. Akranes og Vestmannaeyjar og í Vestmannaeyjum þrátt fyrir stórauðinn ferðamannstraum þar.

### *Rannsóknir mála*

Hægt hefur á rannsóknnum í einstökum málaflokkum en rannsóknir kynferðisbrota, heimilisofbeldis og alvarlegra líkamsárása eru almennt látnar sæta forgangi. Vegna þessarar forgangsröðunar hefur málsmeðferðartími lengst verulega í þeim brotaflokkum sem ekki eru í forgangi. Hjá LRH liggur fyrir að rannsóknnum ákveðinna mála hefur ekki verið sinnt vegna manneklu og hefur embættið kynnt embætti ríkissaksóknar þessi vandamál.

### *Öryggi lögreglumanna*

Fækkun í lögreglu hefur haft mikil áhrif á öryggi lögreglumanna. Á mörgum stöðum á landinu er einungis einn lögreglumaður á vakt og á mörgum stöðum er lágmarksmönnum á vöktum. Lögreglumenn fara oft einir í útköll sem í upphafi virðast einföld og venjubundin en þegar á hólminn er komið snúast þau upp í andhverfu sína. Á fámennum vöktum ógna slík útköll öryggi lögreglumanna verulega því þeir hafa lítinn eða engan bakstuðning

Öryggi á lögreglustöðum og fyrir lögreglumenn hefur ekki verið nægjanlegt. Ekki verið til fjármagn til að setja upp nauðsynlegar eftirlitsmyndavélar við lögreglustöðvar, fangaklefa og á fleiri stöðum sem nauðsynlegt væri að hafa vélar. Nauðsynlegar úrbætur á aðkomu að sumum lögreglustöðvum hafa setið á hakanum vegna fjárskorts.

### *Þjálfun og námskeið lögreglumanna*

Dregið hefur út þjálfun og námskeiðum lögreglumanna. Kemur þar bæði til fjárskortur og fækkun í lögreglulíðinu. Erfitt eða ómögulegt að að mæta fjarveru vegna námskeiða vegna fjárskorts eða fámennis nema hvoru tveggja sé.

### *Búnaður*

Eignakaup og endurnýjun búnaðar í algjöru lágmarki. Á sumum stöðum eru fyrirbyggjandi athugasemdir og lokafrestir frá Vinnueftirliti vegna lélegs/ónothæfs skrifstofubúnaðar o.fl. Búnaður lögreglu til sjóbjörgunar hefur ekki verið endurnýjaður og fleira mætti nefna.

*Landamæragæsla*


Vantar að efla hana um allt land. Líkur á miklum vandamálum á næsta ári ef ekki verður hugað að aukningu á mannafla þar þá sérstaklega á Keflavíkurflugvelli. Auk þess sem aukinn ferðamannastraumur og verkefni sem koma upp í landamæragæslu fara til úrlausnar í öðrum deildum           embætta           og           eykur           á           álag           þar.

## VII Fjárveitingar til lögreglu

Frá árinu 2008 til ársins 2011 hafa fjárveitingar til lögregluembættanna miðað við vísitölu september 2012 lækkað um 2,8 milljarða króna. Embætti sérstaks saksóknara er ekki hér meðtalið.

Mynd 1. Fjárveitingar til lögreglu.

251658240



Öll lögregluembætti eru með halla á rekstri nema á Ísafirði. Á undanförunum árum hafa lögregluembættin sem einnig eru sýslumannsembætti (öll lögregluembætti nema á höfuðborgarsvæðinu og á Suðurnesjum) nýtt uppsafnaðan rekstrarafgang undangenginna ára til þess að kosta starfsemi lögreglu. Þessi uppsafnaði rekstrarafgangur er nú uppurinn. Þá hafa lögreglu- og sýslumannsembættin tekið hluta að fjárveitingu yfirstjórnar embættanna til þess kosta löggæsluverkefni. Þetta rekstrarsvigrúm er nú ekki lengur fyrir hendi.

Til þess að ná jöfnuði í óbreyttum rekstri lögregluembættanna vantar um 294 m. kr. Eins og áður segir er þörf á að fjölga lögreglumönnum og er því fjárvöntunin meir en sem þessu nemur svo unnt sér að tryggja grunnþjónustu lögreglunna.

## VIII Sérstök verkefni



### Aðgerðir gegn skipulagðri glæpastarfsemi

Sé vinna sem lögð hefur verið í baráttuna við skipulagða glæpastarfsemi mótorhjólalengja sem sérstök fjárveiting fékkst fyrir hefur sýnt með ótvíræðum hætti að hægt er að ná miklum árangri í löggæslu með markvissum aðgerðum lögreglu til þess að fyrirbyggja skipulagða brotastarfsemi og aðrar ógnir. Ljóst er að slík sértæk vinna til þess að glíma við ákveðnar tegundir verkefna lögreglu þurfa í auknum mæli að vera sífelluverkefni hennar en ekki átaksverkefni, sem rúmast innan árlegra fjárveitinga til lögreglu og ekki þurfi að sækja sérstaklega um fjárveitingar hverju sinni eftir að vandamálin eru orðin stórfelld og alvarleg ógn.

### Viðbúnaður vegna stórfelldra ofbeldisverka og hryðjuverkaógnar.

Ríkislögreglustjóri hefur farið vandlega yfir skýrslu norsku rannsóknarnefndarinnar vegna voðaatburðanna í Osló og Útey 22. júlí 2011, skoðað úrbótatillögur nefndarinnar og borið þær saman við stöðu mála á Íslandi. Í skýrslunni gerir ríkislögreglustjóri fjölmargar tillögur um eflingu lögreglunnar til þess að vera í stakk búin að takast á við hryðjuverkaárásir og stórfelld ofbeldisverk og færir rök fyrir þeim. Megin niðurstaða embættis ríkislögreglustjóra er að nauðsynlegt sé að bæta og efla viðbragðsgetu lögreglu á Íslandi og gera hana betur í stakk búna til að takast á við hryðjuverk og stórfellda ofbeldisglæpi hér á landi. Efling lögreglunnar varði fyrst og fremst fjölda lögreglumanna, þjálfun þeirra og búnað. Einnig nefnir hann að nauðsynlegt sé að bæta samhæfingu lögregluliða og stjórnun.

Ríkislögreglustjóri gerir tillögur um aðgerðir til þess að gera lögregluna betur hæfa til þess að takast á við hryðjuverkaógn og stórfelld ofbeldisverk. Um 31 tillögu var að ræða og heildarkostnaður áætlaður um 1 milljarður króna. Þessum tillögum verður forgangsraðað og þær kostnaðargreindar samkvæmt ákvörðun ráðherra en skýrsla ríkislögreglustjóra var kynnt ráðherra á fundi 3. september sl. Skýrsla ríkislögreglustjóra er fylgiskjal með skýrslu þessari.

Í framhaldi af skýrslu ríkislögreglustjóra og fyrrgreindum samráðsfundi með embættinu er það mat ráðuneytisins að þessar mikilvægu tillögur verði að skoða í tengslum við þá vinnu sem nú fer fram á vegum ráðuneytisins um endurskipulagningu lögreglunnar. Sérstakur stýrihópur leiðir það verkefni og skipa hann fulltrúar Landsambands lögreglumanna, ríkislögreglustjóra, Félagi lögreglustjóra og félagi yfirlögregluþjóna sem og fulltrúum ráðuneytisins.

Þá eiga fulltrúar þingflokka einnig sæti í stýrihópnum á grundvelli þingsályktunartillögu sem samþykkt var á síðasta þingi um grundvallarskilgreiningar á löggæslu og gerð löggæsluáætlunar fyrir Ísland.

Undir yfirstjórn þessa stýrihóps er unnið í vinnuhópum að lykilþáttum er varða starfsemi lögreglunnar til framtíðar. Einn þeirra hefur m.a. ábyrgð á að skila tillögum um skilgreiningu á grunnþjónustu lögreglu ásamt þjónustustigi. Annar hópur hefur m.a. ábyrgð á að safna saman upplýsingum um hvaða kostnað skuli teljast til grunnfjárveitinga lögregluembættá óháð ytri breytum. Þriðji hópurinn vinnur m.a. við greiningu á starfsmannamálum lögreglu og þróun í þeim efnum m.a. með hliðsjón af greiningu á mannaflapörf lögregluembættá. Með hliðsjón af samþykkt alþingis á þingsályktunartillögu um grundvallarskilgreiningar á löggæslu og gerð löggæsluáætlunar fyrir Ísland var ákveðið að ákveðið að samþætta störf stýrihópsins við störf nefndar þingmanna sem kveðið var á um í þingsályktuninni.

### Aukinn þungi í landamæravörslu

Á undanförunum árum hefur ferðamönnum sem koma til landsins fjölgað stórlega með hverju ári. Umfang landamæragæslu lögreglu hefur því samfara stóraukist en ekki hafa fengist auknar fjárveitingar eða fjölgun lögreglumanna til þess að sinna aukningunni.

Mikil aukning á flugumferð um Keflavíkurlugvöll frá árinu 2009. Á árunum 2007 og 2008 var sömuleiðis mikil flugumferð um Keflavíkurlugvöll, en lögreglan var rekin með umtalsverðum halla eða samtals 186 milljónum króna þessi tvö ár. Í ársbyrjun 2009 minnkaði flugið töluvert og voru gerðar verulegar breytingar á rekstri embættisins og skipulagi, launum og verkefnum breytt. Þessar ráðstafanir dugðu út árið 2010, þrátt fyrir aukinn farþegafjölda sem og sparnaðarkröfu og greiðslu upp í hallann.

Árið 2011 harðnaði aftur í ári en þá jókst farþegafjöldinn í ríflega 2,1 milljón farþega auk þess sem fjölgun hefur hlutfallslega orðið meiri á non-Schengen flugi. Non-Schengen flugið gerir þær kröfur að skilríki hvers farþega séu skoðuð á meðan Schengen flug gerir það ekki, enda þótt ýmis verkefni fylgi því. Aukin umsvif gera það að verkum að sá 20 manna kjarni lögreglu sem starfar í Flugstöð Leifs Eiríkssonar og sinnir landamæravörslu, getur ekki annað lögbundnum verkefnum vegna aukinnar flugumferðar, með þeirri skilvirkni sem nauðsynleg er til að viðhalda þjónustu við flugfélögin sem nýta flugvöllinn.

Samkvæmt upplýsingum frá Isavia er gert ráð fyrir áframhaldandi aukningu á flugumferð um flugstöð Leifs Eiríkssonar á árinu 2013. Það liggur fyrir að lögreglan getur ekki annað auknum umsvifum nema fjölgað verði um 4 stöðugildi í flugstöðvardeild embættisins auk þess sem fjármagna þarf enn á ný 2,5 stöðugildi eða 30 mannmánuði vegna aukinna afleysinga á sumarmánuðum. Kostnaðarmat á þessari aukningu er um 54. m.kr.

Það er fyrirsjáanlegt ófremdarástand í Flugstöð Leifs Eiríkssonar á næstu árum ef lögreglan á að geta sinnt landamæravörslu af öryggi og skilvirkni þannig að umferð um flugvöllinn og þar með flugáætlanir flugfélaga eigi ekki að fara úr skoðrum.

Samkvæmt upplýsingum frá Faxaflóahöfnum sf. þá komu 88.500 farþegar með farþegaskipum til Reykjavíkur. Skip þessi hafa viðkomu á höfnum hringinn í kringum landið og bætast þá þessir ferðamenn við íbúafjölda þar sem þeir eru hverju sinni sem stóreykur álag á lögregluna. Ljóst er að viðbúnaður lögreglu um allt land er komin að þanmörkum vegna aukningarinnar.

**Fylgiblað 1.**

Ársverkin gefa bestu myndina af fækkum vinnuframlags þar sem fjöldi lögreglumanna getur verið mismunandi eftir mánuðum. Þannig var töluvert um sumarafleysingamenn árið 2007 en lítið um þá árið 2011. Það gefur því raunhæfari mynd af því hversu dregið hefur úr fjölda lögreglumanna á árs grundvelli.

Hins vegar má einnig fjölda lögreglumanna til hliðsjónar miðað við 1. febrúar 2007 og febrúar 2012. Þá þarf þó að hafa í huga lögreglumenn hjá sérstaks saksóknara árið 2012, sem ekki voru á fyrra tímabilinu.

	1. febrúar 2007	1. febrúar 2012
Yfirlögregluþjónn	24	23
Aðstoðaryfirlögregluþjónn	26	27
Lögreglufulltrúi /aðalvarðstjóri	107	83
Varðstjóri / Rannsóknarlögreglumaður	261	250
Aðstoðarvarðstjóri	5	3
Lögreglumaður	260	235
<u>Afleysingamaður</u>	<u>29</u>	<u>3</u>
Samtals	712	624

Hjá sérstökum saksóknara voru 1. febrúar 2012 störfuðu þrjú aðstoðaryfirlögregluþjónar og 29 lögreglufulltrúar. Til að fá raunhæfan samanburð má gera ráð fyrir að sjö stöður lögreglufulltrúa hafi færst yfir til sérstaks saksóknara við flutning efnahagsbrotadeilar ríkislögreglustjóra þangað 1. september 2011. Sú tala myndi bætast við 624 lögreglumann 1. febrúar 2012 og yrðu þá 631. Lögreglumönnum hefur þá fækkað um 81 árin 2007-2012.